

No.J.11012/1/2020-DC (Kzi)  
OFFICE OF THE DEPUTY COMMISSIONER  
KHAWZAWL DISTRICT : KHAWZAWL

**PRESS NOTE**

Dated Khawzawl, the 1<sup>st</sup> April , 2020


Subj: **Hon'ble Dy. Chief Minister, Pu Tawnluia'n Covid-19 Hripui do nan a bial chhung leh Khawzawl District a Damdawi In leh Task Force mamawh a pekte hlanna programme hman a ni.**

Vawiin ni 1<sup>st</sup> April, 2020 Dar 11:00 AM-1:00 PM khan DC Office Complex, Khawzawl-ah Dy. Chief Minister, Pu Tawnluia'n Covid-19 Hripui do nan a a bial chhung leh Khawzawl District-a Damdawi In leh Task Force-te mamawh a pekte hlanna hun neih a ni. He programme hi Pu H. Lianzela Deputy Commissioner & Chairman DLTF, Khawzawl in kaihruaiin District Level Task Force (DLTF) Member-te, VLTF Chairman-te, Political party aiawhte leh Medical Officer-te kim taka telin session hnih a inchhawkin hun hman a ni. DLTF, Medical Officer-Khawzawl Hospital, Sialhawk PHC, Rabung PHC, Biata PHC, Kawlkuh PHC leh Khawzawl District-a Village Level Task Force-te hnenah Covid-19 dona atana hman tur Mask, Glove, Shoe Cover, Hand Sanitizer, Bleaching powder leh pawisa fai thahnemtak sem a ni. Hei bakah hian Sialhawk a PHC Isolation Ward renovate na tur Rs.15,000 leh Tuichang North Block leh Tuichang South Block MNF hruaitute kaltlang a buhfai semna tur Dy.Chief Minister-in a pek pawisa fai te chu hlan a ni baw.

He programme-ah hian Khawzawl District Hospital Medical Officer Dr. Lalngaihawmi Chhangte chuan tun dinhmunah Khawzawl District huamchhungah Home Quarantine mek 187 an awm tih sawiin an zingah hian Mizoram atanga Positive hmuhchhuah awmchhunin GoAir-a a chuanpui Passenger 2 - Chawngtlai khua leh Chairang khua te an tel tih a sawi a, heng mi 2 te hi an Test sample a Negative ve ve tih sawiin Sawrkar thuchhuak angin April ni 6 thleng In lama inkhung tura tih an nih thu a tarlang baw. Khawzawl Damdawi Inah COVID-19 vei an awm palh a dahna tur Isolation Ward khum 10 awmna buatsaih a ni tih a sawilang. Addl. DC Pu Paul L. Khuma pawhin District Level Task Force hmalakna hrang hrangte tarlangin Khawzawl District chhungah Quarantine Facilities 11 a awm thu leh heng zinga 4 hi Khawzawl Town-ah a awm tih a sawilang baw. Pi K. Ramdingliani President, Sub-Hqrs., chuan lawmthu a sawi a, Sub-Divisional Agriculture Office Khawzawl aiawhin Chairman, District Level Task Force, Khawzawl hnenah tanpuina Rs.5,000/- a hlan nghal baw a, DLTF-te chuan lawmthu an sawi tak meuh a ni.

He programme hman a nih hnu hian DLTF ten meeting an nei zui a, Khawzawl khawpuiah Dawr khar zui zel ni se tiin an rel a, VLTF ten chhungkaw tin ei leh bar mamawh an zawt chhuak anga, chumi ang chuan Dawr hrang hrang atangin an mamawh an lakhawm ang a, doorstep delivery an kalpui dawn a ni. Khawpui pawn VLTF te chuan an mamawh DC office-ah in report in, DLTF te leh Dawrkai ten ruahmanna an siampui thin ang. Dawrkai lian ten nitin mamawh item bikah Daily Stock Position DC office-ah an submit ziah tawh dawn baw a ni.

Mitinte chu Sawrkar leh Khawtlang thuneitute thu zawm a, COVID-19 hripui hi kan hneh ngei theih nana theih tawp chhuah zel a, a tul tawp khawk a nih loh chuan pawncchhuak lo tur leh zinchhuak lo turin DLTF chuan a ngen a ni.

  
(H. LIANZELA) 01/04/2020  
Deputy Commissioner  
Khawzawl District : Khawzawl  
&  
Chairman  
District Level Task Force on Covid-19